



An Bhruiséil, 28 Márta 2017
(OR. en)

7704/17

COSI 63
ENFOPOL 152
CRIMORG 69
ENFOCUSTOM 85
GENVAL 29
FRONT 147
JAI 284

NÓTA

ó:	Ardrúnaíocht na Comhairle
An:	27 Márta 2017
chuig:	na toscaireachtaí
Uimh. an doic. roimhe seo:	7093/17
Ábhar:	Conclúidí ón gComhairle maidir le leanúint le Timthriall Beartais an Aontais do choireacht idirnáisiúnta eagraithe thromchúiseach don tréimhse 2018-2021 - Conclúidí ón gComhairle (27 Márta 2017)

Gheobhaidh na toscaireachtaí san Iarscríbhinn a ghabhann leis seo na conclúidí ón gComhairle maidir le leanúint le Timthriall Beartais an Aontais do choireacht idirnáisiúnta eagraithe thromchúiseach don tréimhse 2018-2021, a ghlac an Chomhairle ag an 3528^ú cruinniú a bhí aici ar an 27 Márta 2017.

Conclúidí ón gComhairle maidir le leanúint le Timthriall Beartais an Aontais do choireacht idirnáisiúnta eagraithe thromchúiseach don tréimhse 2018-2021

MAIDIR LE COMHAIRLE AN AONTAIS EORPAIGH,

AG MEABHRÚ chonclúidí an 8-9 Samhain 2010 ón gComhairle maidir le cruthú agus cur chun feidhme Timthriall Beartais an Aontais¹ do choireacht idirnáisiúnta eagraithe thromchúiseach, lena mbunaítear Timthriall ilbhliantúil Beartais an Aontais agus modheolaíocht shoiléir chun tosaíochtaí a leagan síos, a chur chun feidhme agus a mheasúnú maidir leis an gcomhrac i gcoinne na coireachta idirnáisiúnta eagraithe tromchúisí,

AG MEABHRÚ gur cuireadh Timthriall Beartais tosaigh agus laghdaithe an Aontais chun feidhme idir 2012 agus 2013 bunaithe ar thosaíochtaí an Aontais maidir le coireacht, a chomhaontaigh an Chomhairle ar an 9-10 Meitheamh 2011², agus gur tháinig Timthriall lánfheidhme Beartais an Aontais sna sála air sin idir 2014-2017 a bhí bunaithe ar thosaíochtaí an Aontais maidir le coireacht, a chomhaontaigh an Chomhairle ar an 6-7 Meitheamh 2013³,

AG TABHAIRT DÁ hAIRE i gcomhréir leis an modheolaíocht a bhaineann le Timthriall Beartais an Aontais go ndearnadh meastóireacht chríochnúil mar cheathrú céim, agus mar chéim dheireanach, de Timthriall Beartais an Aontais agus gur ionchur a bhí ansin don chéad Timthriall Beartais eile de chuid an Aontais,

AG TABHAIRT DÁ hAIRE tuarascáil deiridh an staidéir meastóireachta, a d'ullmhaigh meastóir seachtrach neamhspleách i ndlúthchomhar leis an ngrúpa faireacháin de shaineolaithe, agus a thíolaic an Coimisiún don Chomhairle ar an 1 Feabhra 2017 i gcomhréir le gníomhaíocht 44 de Timthriall Beartais an Aontais. Clúdaíonn an tuarascáil seo cur chun feidhme Timthriall lánfheidhme Beartais an Aontais idir Meitheamh 2013 agus Iúil 2016 agus tá roinnt moltaí agus gníomhaíochtaí molta inti chun Timthriall Beartais an Aontais a dhéanamh níos éifeachtaí, níos éifeachtúla agus níos cuíchóirithe agus chun cothromaíocht a aimsiú idir an t-ualach a chuirtear ar chatagóirí éagsúla geallsealbhóirí,

¹ 15358/10

² 11050/11

³ 12095/13

AGUS É Á ADMHÁIL AICI gur bhain Timthriall Beartais an Aontais a chuid cuspóirí amach ó thaobh feabhas a chur ar an gcomhar i réimse an chomhraic i gcoinne na coireachta tromchúisí eagraithe, gur thug sé breisluach AE do na Ballstáit agus gur chuir sé struchtúir ar fáil dóibh chun a gcuid comhair a neartú agus gur chuidigh sé le muinín a chruthú i measc na ngeallsealbhóirí ábhartha,

ÓS FEASACH DI gur gá tuilleadh forbartha a dhéanamh ar an bpróiseas a bhaineann le Timthriall Beartais an Aontais, ag tógáil ar an toradh a bhí ar an meastóireacht agus ar an taithí a fuair na Ballstáit agus iad i mbun Timthriall Beartais an Aontais a chur chun feidhme, d'fhoneo é a dhéanamh níos éifeachtúla,

AG MEABHRÚ gur gné thábhachtach amháin d'éifeachtúlacht Thimthriall Beartais an Aontais iad rannpháirteachas gach gníomhaí agus tiomantas na mBallstát, na n-institiúidí agus na ngníomhaireachtaí uile, d'fhoneo cur chun feidhme oibríochtúil dáiríre a áirithiú, agus go n-éilíonn an ghné sin go leor acmhainní daonna agus airgeadais chomh maith le feasacht agus aitheantas. Tá tábhacht mhór ag baint le ról na dtiománaithe, na gcomhthiománaithe agus na gceannairí gníomhaíochta agus ní mór a ndóthain cumhachta agus tacaíochta a thabhairt dóibh, trí bhíthin Fhoireann Tacaíochta EMPACT Europol,

AG IARRAIDH ar na Ballstáit an leas is fearr is féidir a bhaint as na cistí atá ar fáil, agus ar gach gníomhaí atá rannpháirteach a áirithiú go gcuirfear cistiú ar fáil go tráthúil ionas go bhféadfar tús a chur le gníomhaíochtaí oibríochtúla ag céim luath,

AGUS BÉIM Á LEAGAN AICI ar chur chuige ildisciplíneach, ilghníomhaireachta Thimthriall Beartais an Aontais, ina bhfuil údaráis forfheidhmithe dlí agus údaráis bhreithiúnacha ábhartha na mBallstát agus institiúidí agus gníomhaireachtaí an Aontais rannpháirteach. Tá an dea-chomhar idir póilíní, gardaí teorann, lucht custaim, údaráis bhreithiúnacha agus riaracháin, agus le h-institiúidí agus gníomhaireachtaí an Aontais ríthábhachtach. Ba cheart aird ar leith a thabhairt ar chomhpháirtithe nach ó chúlra forfheidhmithe dlí iad, lena n-áirítear údaráis phoiblí eile agus an earnáil phríobháideach,

AGUS BÉIM Á LEAGAN AICI ar an tábhacht a bhaineann le comhar éifeachtach náisiúnta idir na húdaráis ábhartha agus é á chur i bhfios aici an tábhacht a bhaineann le ról an Chomhordaitheora Náisiúnta EMPACT (NEC) chun rannpháirtíocht ilghníomhaireachta agus ildisciplíneach a áirithiú,

AG TABHAIRT DÁ hAIRE go bhféadfadh sé gur ghá feasacht faoi Thimthriall Beartais an Aontais a fheabhsú i measc cleachtóirí forfheidhmithe dlí agus geallsealbhóirí ábhartha eile ar an leibhéal náisiúnta. Chuideodh an méid sin le Timthriall Beartais an Aontais a chomhtháthú níos fearr le pleanáil náisiúnta,

ÓS FEASACH DI gur gá sainiúlacht Thimthriall Beartais an Aontais a neartú agus béim a leagan ar rannchuidiú Thimthriall Beartais an Aontas Eorpaigh sa troid i gcoinne na coireachta idirnáisiúnta eagraithe tromchúisí,

AGUS BÉIM Á LEAGAN AICI ar an ngné sheachtrach den tslándáil inmheánach agus ar an tábhacht a bhaineann le comhar le tríú tíortha agus le heagraíochtaí idirnáisiúnta agus comhpháirtithe ábhartha a fhorbairt tuilleadh agus gníomhaíochtaí seachtracha an Aontais á gcur san áireamh, i gcur chun feidhme oibríochtúil Thimthriall Beartais an Aontais,

AG TABHAIRT DÁ hAIRE go bhfuil méadú ag teacht ar chineál trasghearrtha na coireachta agus gur gá an comhar a neartú ar bhonn leathan na dtosaíochtaí,

AG CUR I dTREIS gur cheart cothromaíocht a bhaint amach idir na bagairtí ó choireacht idirnáisiúnta eagraithe thromchúiseach do shlándáil inmheánach an Aontais a chosc agus dul i ngleic le hiarmhairtí na mbagairtí sin,

AG TABHAIRT DÁ hAIRE gur cheart an t-ualach riaracháin a laghdú, go háirithe i gcás na dtiománaithe, na gcomhthiománaithe agus na gceannairí gníomhaíochta, go háirithe trí na nósanna imeachta tuairiscithe éagsúla ar leibhéal éagsúla a shimpliú agus a laghdú,

ÓS FEASACH DI gur gá próiseas faireacháin agus meastóireachta Thimthriall Beartais an Aontais a chuíchóiriú agus gur gá feabhas a chur ar cháilíocht an tuairiscithe don Bhuanchóiste um an gComhar Oibríochtúil sa tSlándáil Inmheánach. Chun na críche sin, le bailiú faisnéise ábhartha struchtúrtha, lena n-áirítear trí eochairtháscairí feidhmíochta SMART a fhorbairt, déanfar an ról atá ag COSI a shruthlíniú agus a fheabhsú chun an próiseas a stiúradh agus an treo a leagadh amach le haghaidh ghnóthú na spriocanna agus na gníomhaíochtaí straitéiseacha,

COMHAONTAÍONN SÍ

1. Timthriall Beartais ceithre bliana an Aontais don tréimhse 2018-2021 a chur chun feidhme, ina mbeidh na ceithre chéim a comhaontaíodh cheana i gcás Thimthriall Beartais an Aontais a bhí ann roimhe sin, go háirithe;
 - i) Beartas a fhorbairt ar bhonn measúnú de chuid an Aontais Eorpaigh ar an mBagairt ón gCoireacht Thromchúiseach Eagraithe (SOCTA AE), a chaithfidh léargas iomlán críochnaitheach a chur ar fáil maidir leis na bagairtí coiriúla a bhféadfadh tionchar a bheith acu ar an Aontas Eorpach. Ós rud é go bhfuil cineál na coireachta ag athrú go tapa, ba cheart do Europol, i gcomhar leis na Ballstáit agus gníomhaireachtaí ábhartha an Aontais, athbhreithniú meántearma a ullmhú le linn 2019 ar bhagairtí nua, bagairtí atá i mbun athraithe agus bagairtí atá ag teacht chun cinn, agus aird ar leith á tabhairt ar thosaíochtaí an Aontais maidir le coireacht a cinneadh in 2017, trí thuarascáil eatramhach a ullmhú agus í a chur faoi bhráid na Comhairle.
 - ii) Beartais a cheapadh agus cinnteoireacht a shocrú de réir líon teoranta tosaíochtaí a shainaithneoidh an Chomhairle. Is gá Plean Straitéiseach Ilbhliantúil (MASP) a fhorbairt i gcás gach ceann de na tosaíochtaí d'fhonn cur chuige ildisciplíneach comhtháite lárnach a bhaint amach (lena gcumhdófar bearta coisctheacha agus bearta diansmachta araon) chun aghaidh a thabhairt go héifeachtach ar na bagairtí tosaíochta.
 - iii) Pleananna Gníomhaíochta Oibríochtúla (OAPanna) a chur chun feidhme agus faireachán a dhéanamh orthu, ar pleananna iad is gá a ailíniú leis na cuspóirí straitéiseacha arna leagan síos i MASP, chun aghaidh a thabhairt ar na bagairtí tosaíochta. Sa bhreis air sin, déanfaidh COSI idir mheasúnú meántearma agus measúnú deiridh ar thorthaí na ngníomhaíochtaí chun gnóthú na spriocanna straitéiseacha a thomhas. D'fhéadfadh gníomhaíochtaí a bheith sna OAPanna a mhairfeadh, nuair ba ghá agus nuair a bheadh údar cuí leis, níos faide ná aon bhliain amháin.
 - iv) Ag deireadh Thimthriall Beartais an Aontais, déanfar meastóireacht neamhspleách a úsáidfear mar ionchur don chéad Timthriall Beartais eile a bheidh ag an Aontas Eorpach.

TUGANN SÍ TREOIR DO COSI:

2. Dréachtchonclúidí ón gComhairle maidir le tosaíochtaí an Aontais maidir le coireacht a ullmhú, bunaithe ar an doiciméad beartais comhairleach (PAD) a dhréachtaigh an Uachtaránacht agus an Coimisiún bunaithe ar SOCTA AE 2017 agus páipéir agus measúnuithe agus beartais straitéiseacha eile á gcur san áireamh.
3. Na Pleananna Straitéiseacha Ilbhliantúla (MASPanna) agus Pleananna Gníomhaíochta Oibríochtúla bliantúla (OAPanna) a ghlacadh agus comhordú agus faireachán a dhéanamh ar a gcur chun feidhme. Ba cheart aird faoi leith a thabhairt ar an gcur chun feidhme oibríochtúil agus ar an gcur chuige ildisciplíneach comhtháite lárnach i leith na coireachta.
4. Na doiciméid ábhartha a bhaineann le Timthriall Beartais an Aontais a leasú, ina measc na doiciméid a d'ullmhaigh na gníomhaithe ábhartha, go háirithe téarmaí tagartha an Timthrialla Beartais, teimpléid MASP agus teimpléid OAP do Thimthriall Beartais an Aontais, agus leasú a dhéanamh ar an sásra tuairiscithe agus ar liosta na ngníomhaithe ábhartha d'fhonn an próiseas a shimpliú agus a shruthlíniú.
5. Faireachán a dhéanamh chun go dtabharfar dóthain cistithe chun tacú go héifeachtach leis na gníomhaíochtaí a comhaontaíodh i dTimthriall Beartais an Aontais.
6. Féachaint ar bhearta chun sainiúlacht Thimthriall Beartais an Aontais a neartú agus chun rannpháirtíocht ghníomhach na ngeallsealbhóirí ábhartha uile a chothú.
7. Treoir straitéiseach a chur ar fáil, bunaithe ar an sainmhíniú ar na laethanta gníomhaíochta comhpháirtí, maidir le pleanáil na laethanta gníomhaíochta comhpháirtí a eagraítear faoi chuimsiú Thimthriall Beartais an Aontais agus faireachán a dhéanamh ar na torthaí a bhaintear amach.
8. Measúnú meántearma agus measúnú deiridh a dhéanamh ar thorthaí na ngníomhaíochtaí chun gnóthú na spriocanna straitéiseacha a thomhas d'fhonn feabhas a chur ar an gcur chun feidhme oibríochtúil.

IARRANN SÍ AR NA BALLSTÁIT AN MÉID SEO A LEANAS A DHÉANAMH

9. Plean straitéiseach ilbhliantúil (MASP) agus plean gníomhaíochta oibríochtúil (OAP) a fhorbairt, i gcomhar le saineolaithe ó ghníomhaireachtaí agus institiúidí ábhartha an Aontais, i ndáil le gach ceann de thosaíochtaí an Aontais maidir le coireacht, ina saineofaí an straitéis chuí chun dul i ngleic leis an bhfadhb.
10. Na gníomhaíochtaí ábhartha a forbraíodh laistigh de Thimthriall Beartais an Aontais a chomhtháthú ina bpleanáil náisiúnta agus na hacmhainní a leithdháileadh chun tacú le cur chuige comhchoiteann ar fud an Aontais.
11. Tacú go gníomhach le gach ceann de na céimeanna a chuimsíonn Timthriall Beartais an Aontais, go háirithe trí ról an tiománaí, an chomhthiománaí nó ceannaire gníomhaíochta a ghlacadh orthu féin ionas go mbeidh na saineolaithe sin agus na comhordaitheoirí náisiúnta EMPACT in ann a gcuid cúraimí a chomhlíonadh.
12. Cuidiú le múscailt feasachta faoi Thimthriall Beartais an Aontais, go háirithe ar an leibhéal náisiúnta agus iad féin a thiomnú go gníomhach do chur chun feidhme na bpleananna gníomhaíochta oibríochtúla (OAPanna).

IARRANN SÍ AR AN gCOIMISIÚN AN MÉID SEO A LEANAS A DHÉANAMH

13. Tacú leis na Ballstáit, in éineacht le saineolaithe ghníomhaireachtaí agus institiúidí ábhartha an Aontais, chun plean straitéiseach ilbhliantúil (MASP) agus plean gníomhaíochta oibríochtúil (OAP) a fhorbairt i ndáil le gach ceann de thosaíochtaí an Aontais maidir le coireacht, ina saineofaí an straitéis chuí chun dul i ngleic leis an bhfadhb.
14. Agus an taithí a fuair sé roimhe seo á cur san áireamh, sásra neamhspleách a fhorbairt i gcomhar leis na Ballstáit agus le gníomhaireachtaí an Aontais in COSI, chun meastóireacht a dhéanamh ar chur chun feidhme Thimthriall Beartais an Aontais agus torthaí na meastóireachta sin a tharchur chuig an gComhairle.

IARRANN SÍ AR AN gCOIMISIÚN AGUS AR AN tSEIRBHÍS EORPACH GNÍOMHAÍOCHTA SEACHTRAÍ AN MÉID A LEANAS A DHÉANAMH

15. Feasacht faoi Thimthriall Beartais an Aontais a chur chun cinn in idirphlé slándála an Aontais le tríú tíortha.
16. Rannpháirtíocht tríú tíortha i gcur chun feidhme oibríochtúil Thimthriall Beartais an Aontais a éascú, nuair is iomchuí de réir na mbagairtí agus na riachtanas a shainaithnítear, trí thoscaireachtaí an Aontais, saineolaithe frithsceimhlitheoireachta/slándála an Aontais agus Oifigigh Eorpacha Idirchaidrimh Imirce.

IARRANN SÍ AR GHNÍOMHAIREACHTAÍ AN AONTAIS AN MÉID SEO A LEANAS A DHÉANAMH:

17. Tacaíocht a thabhairt do shaineolaithe na mBallstát agus do shaineolaithe institiúidí an Aontais chun MASPanna agus OAPanna a fhorbairt maidir leis na tosaíochtaí a chomhfhreagraíonn don sainordú atá acu.
18. Tacaíocht mhodheolaíoch, anailíseach agus riaracháin a chur ar fáil faoi cheannaireacht Europol, do dhréachtú na MASPanna agus na OAPanna (Spriocanna SMART agus KPI).
19. Gealltanas a thabhairt ina gcláir oibre bhliantúla go ndéanfaidh siad na gníomhaíochtaí a forbraíodh faoi Thimthriall Beartais an Aontais a chur chun feidhme.
20. Tuarascáil eatramhach ar bhagairtí nua, bagairtí atá i mbun athraithe agus bagairtí atá ag teacht chun cinn a fhorbairt in 2019, faoi cheannaireacht Europol agus i gcomhar leis na Ballstáit, agus aird ar leith á tabhairt ar thosaíochtaí an Aontais maidir le coireacht mar a cinneadh in 2017 iad, agus ar SOCTA AE 2021, bunaithe ar na ceanglais a d'fhormhuinigh COSI agus i ndlúthchomhar leis na saineolaithe ábhartha.
21. Faoi cheannaireacht Europol, i gcomhar leis an gCoimisiún, SEGS agus gníomhaithe ábhartha eile, pacáiste faisnéise faoi dheiseanna cistithe a ullmhú, a nuashonrófar nuair is gá, chun sásraí cistithe atá ann cheana a shoiléiriú agus deiseanna malartacha a aibhsiú d'fhonn tacaíocht éifeachtach a thabhairt do na gníomhaíochtaí a comhaontaíodh laistigh de Thimthriall Beartais an Aontais agus a mhéid solúbthachta is féidir a áirithiú, laistigh de theorainneacha na rialacha airgeadais.
22. Pacáistí oiliúna a chur ar fáil agus bearta múscailte feasachta eile a fhiosrú.
23. Cuidiú le dea-chleachtas a mhalartú agus taithí a chomhroinnt.

Amlíne do

Thimthriall Beartais an Aontais 2018 - 2021

Réamhbharúlacha

1. SOCTA AE 2017 / Tuarascáil eatramhach 2019 / SOCTA AE 2021

- Is ar bhonn SOCTA AE 2017 a thosaigh Thimthriall Beartais an Aontais 2018-2021 (pointe 2, pointe 3 thíos).
- Cuirfear tuarascáil eatramhach i láthair in 2019 maidir le bagairtí nua, bagairtí atá i mbun athraithe agus bagairtí atá ag teacht chun cinn, agus tabharfar aird faoi leith inti ar thosaíochtaí an Aontais maidir le coireacht arna gcinneadh in 2017 (pointe 20, pointe 22).
- Bheadh SOCTA AE 2021 mar bhonn do thús Thimthriall Beartais an Aontais 2022-2025. Foráiltear don phróiseas sin sa tábla (pointí 21, 23, 26, 27 agus 32).

2. ATHRUITHE ÁBHARTHA SA TÁBLA I gCOMPARÁID LE TIMTHRIALL BEARTAIS AN AONTAIS ROIMHE SEO

- Spriocanna straitéiseacha íosta cothrománacha coiteanna a leagan amach le haghaidh na dtosaíochtaí uile maidir le coireacht (pointe 7 agus pointe 11).
- D'fhéadfaí gníomhaíochtaí a mhairfeadh níos faide ná bliain a áireamh in OAPanna (pointe 13).
- Déanfar measúnú nua ar thorthaí na ngníomhaíochtaí chun gnóthú na spriocanna straitéiseacha a thomhas, déanfar sin a chomhtháthú sa sásra bailithe tuairiscithe agus is COSI a dhéanfaidh é sin tar éis dhá bhliain de chur chun feidhme na OAPanna agus faoi mhí an Mheithimh 2022 ar a dhéanaí (pointe 15, pointe 29 agus pointe 33).

- D'fhéadfaí táscaire tionchair amháin (nó roinnt acu fiú) a shainaithint chun tomhas cainníochtúil a sholáthar ar rannchuidiú Thimthriall Beartais an Aontais sa chomhrac i gcoinne na coireachta tromchúisí eagraithe (pointe 15 agus pointe 16).
- Ullmhófar pacáiste faisnéise faoi dheiseanna cistithe (pointe 17).
- Beidh uainiú agus modheolaíocht éagsúil ag baint le tuairisciú na dtiománaithe agus na gceannairí gníomhaíochta (pointe 15 agus pointe 18).
- I dteannta SOCTA AE 2021, foráiltear sa tábla go mbeidh leanúnachas ann do Thimthriall Beartais an Aontais 2022-2025 (pointe 31).

Uimh ir thaga rtha	Gníomhaíocht	Gníomhaí freagrach/príomhghníomhaí	Gníomhaith e eile atá páirteach	Uainiú
1	Foilsítear tuarascáil neamhspleách meastóireachta deiridh maidir le Timthriall Beartais an Aontais 2013-2017	An Coimisiún	An Buanchoiste um an gComhar Oibríochtúil sa tSlándáil Innheánach (COSI) Grúpa faireacháin	1 Feabhra 2017
2	Táirgeadh SOCTA AE 2017	Europol	Na gníomhaithe ábhartha uile	Márta 2017
3	Táirgeadh achoimre feidhmiúcháin ar SOCTA AE 2017, lena n-áirítear conclúidí agus liosta de thosaíochtaí molta maidir le coireacht	Europol		9 Márta 2017
4	Conclúidí ón gComhairle maidir le leanúint le Timthriall Beartais an Aontais 2018-2021	An Buanchoiste um an gComhar Oibríochtúil sa tSlándáil Innheánach (COSI) An Chomhairle		27-28 Márta 2017
5	Doiciméad beartais comhairleach (PAD) Dréachtchconclúidí ón gComhairle maidir le tosaíochtaí an Aontais maidir le coireacht do Thimthriall Beartais an Aontais 2018-2021	An Buanchoiste um an gComhar Oibríochtúil sa tSlándáil Innheánach (COSI)/an Coimisiún An Buanchoiste um an gComhar Oibríochtúil sa tSlándáil Innheánach (COSI)		Aibreán/Bealtaine 2017
6	Ceardlanna MASP a ullmhú, lena n-áirítear na gníomhaithe ábhartha ar leibhéal an Aontais agus na mBallstát a shainaithint chun Pleananna Straitéiseacha Ilbhliantúla (MASPanna) a dhréachtú de réir tosaíocht maidir le coireacht	An Buanchoiste um an gComhar Oibríochtúil sa tSlándáil Innheánach (COSI) An Coimisiún	Gníomhaireachtaí an Aontais Na Ballstáit	Aibreán/Bealtaine 2017
7	Teimpléid (MASPanna, OAPanna) a fhorbairt agus treoirlíne a fhorbairt maidir le heochairtháscairí feidhmíochta SMART a dhearadh chun dul chun cinn agus torthaí na ngníomhaíochtaí oibríochtúla a thomhas, a bheidh le comhaontú ag COSI.	Europol An Coimisiún An Buanchoiste um an gComhar Oibríochtúil sa tSlándáil Innheánach (COSI)	Gníomhaireachtaí eile de chuid an Aontais	Roimh mhí an Mheithimh 2017
8	Conclúidí ón gComhairle maidir le tosaíochtaí an Aontais maidir le coireacht do Thimthriall Beartais an Aontais 2018-2021	An Chomhairle		8-9 Meitheamh 2017
9	Pacáiste oiliúna/feasachta a fhorbairt agus a chur ar fáil faoi chreat (athbhreithnithe) Thimthriall Beartais an Aontais (téarmaí tagartha; teimpléid, KPlanna,)	Gníomhaireacht an Aontais Eorpaigh um Oiliúint i bhForfheidhmiú an Dlí (CEPOL)	Na Ballstáit Gníomhaireachtaí an Aontais	2017-2021 Ceardlann maidir le Tiománaithe/Comhthiománaithe nua ar an 6-7 Meán Fómhair 2017
10	Téarmaí tagartha Thimthriall Beartais an Aontais a bheidh le comhaontú ag COSI	Europol An Buanchoiste um an gComhar Oibríochtúil sa tSlándáil Innheánach (COSI) An Coimisiún		Faoi mhí an Mheithimh 2017

Uimh ir thaga rtha	Gníomhaíocht	Gníomhaí freagrach/príomhghníomhaí	Gníomhaith e eile atá páirteach	Uainiú
11	Ceardlanna chun MASPanna a dhréachtú lena dtabharfar aghaidh ar na tosaíochtaí maidir le coireacht, lena n-áirítear na spriocanna straitéiseacha íosta cothrománacha coiteanna a shainaithint roimh ré chun comhsheasmhacht a neartú agus dréachtú MASP a éascú.	Grúpaí saineolaithe ó na Ballstáit agus na gníomhaireachtaí, arna gcomhordú ag an gCoimisiún		Meitheamh - Iúil 2017 agus/nó Meán Fómhair/Deireadh Fómhair 2017
12	MASPanna a phlé agus a ghlacadh, lena n-áirítear cúraimí a chur ar na Ballstáit agus na Gníomhaireachtaí is ábhartha	An Buainchoiste um an gComhar Oibriochtúil sa tSlándáil Inmheánach (COSI)	Na Ballstáit An Coimisiún Gníomhaireachtaí an Aontais	An dara seimeastar 2017
13	Ceardlanna maidir le MASPanna a thiontú ina OAPanna bliantúla agus maidir leis na gníomhaíochtaí a shainiú a mhairfeadh níos faide ná bliain amháin	Na Ballstáit agus na gníomhaireachtaí, arna gcomhordú ag na tiománaithe		Meán Fómhair/Deireadh Fómhair 2017 (a dhéanfar athuair i mí Mheán Fómhair agus mí Dheireadh Fómhair gach bliain)
14	Gach OAP a bhailíochtú	An Buainchoiste um an gComhar Oibriochtúil sa tSlándáil Inmheánach (COSI)	Na Ballstáit Gníomhaireachtaí an Aontais Comhordaitheo irí Náisiúnta EMPACT	Deireadh 2017 (a dhéanfar athuair gach bliain)
15	Sásra bailithe tuairiscithe a mhionsaothrú a bheidh le bailíochtú ag COSI. Sa sásra seo, ina n-áireofaí an teimpléad nua don tuarascáil ó cheannaire an ghnímh, ba cheart measúnú ar thorthaí na ngníomhaíochtaí a chomhtháthú chun gnóthú na spriocanna straitéiseacha a thomhas. Féadfaidh an sásra tuairiscithe an táscaire nó na táscairí tionchair a chur san áireamh.	An Coimisiún An Buainchoiste um an gComhar Oibriochtúil sa tSlándáil Inmheánach (COSI)	Na Ballstáit Gníomhaireachtaí an Aontais	An dara cuid de 2017
16	Smaoineamh ar tháscaire tionchair (nó roinnt táscairí tionchair) a shainaithint. Leis an táscaire/na táscairí tionchair sin déanfar foráil le roinnt tomhas cainníochtúil de rannchuidiú Thimthriall Beartais an Aontais sa chomhrac i gcoinne na coireachta tromchúisí eagraithe	An Buainchoiste um an gComhar Oibriochtúil sa tSlándáil Inmheánach (COSI)	An Coimisiún Europol Gníomhaireachtaí an Aontais Eorpaigh um Oiliúint i bhForfheidhmiú an Dlí (CEPOL) Comhordaitheo irí náisiúnta EMPACT	Deireadh 2017
17	Pacáiste faisnéise faoi dheiseanna cistithe a ullmhú agus a chur i láthair in COSI	Europol An Coimisiún	An Buainchoiste um an gComhar Oibriochtúil sa tSlándáil Inmheánach (COSI) Gníomhaireachtaí an Aontais Eorpaigh um Oiliúint i bhForfheidhmiú an Dlí (CEPOL) Gníomhaireachtaí an Aontais SEGS	Fómhar 2017, arna nuashonrú nuair is gá

Uimh ir thaga rtha	Gníomhaíocht	Gníomhaí freagrach/príomhghníomhaí	Gníomhaith e eile atá páirteach	Uainiú
18	Cur chun feidhme OAPanna lena n-áirítear 6 mhí ina ndéanfaidh COSI faireachán ar dhul chun cinn (tuarascáil níos éadroime ag tiománaithe i mí Mheán Fómhair agus tuarascáil chuimsitheach i mí an Mhárta an bhliain ina dhiaidh sin)	Tiománaithe na mBallstát Comhordaitheoirí Náisiúnta EMPACT Gníomhaireachtaí an Aontais	An Buanchoiste um an gComhar Oibriochtúil sa tSlándáil Inmheánach (COSI)	Ag tosú i mí Eanáir 2018 agus go dtí mí an Mhárta 2022
19	Maoiniú chur chun feidhme MASanna agus OAPanna a éascú	Europol An Coimisiún Gníomhaireachtaí an Aontais	SEGS	2018 - 2021
20	Na ceanglais a bhailíochtú chun tuarascáil eatramhach ar bhagairtí nua, bagairtí atá i mbun athraithe agus bagairtí atá ag teacht chun cinn a ullmhú	An Buanchoiste um an gComhar Oibriochtúil sa tSlándáil Inmheánach (COSI)	Europol	Roimh mhí Iúil 2018
21	Riachtanais chustaiméara i dtaca le SOCTA AE 2021 a ullmhú	Europol	An Coimisiún Na Ballstáit Europol agus gníomhaireacht aiféile de chuid an Aontais	Tús 2019
22	Tuarascáil eatramhach ar bhagairtí nua, bagairtí atá i mbun athraithe agus bagairtí atá ag teacht chun cinn a chur amach Cur i láthair in COSI	Europol An Buanchoiste um an gComhar Oibriochtúil sa tSlándáil Inmheánach (COSI)	Na gníomhaithe ábhartha uile	Roimh mhí Iúil 2019
23	Riachtanais chustaiméara i dtaca le SOCTA AE 2021 a bhailíochtú	An Buanchoiste um an gComhar Oibriochtúil sa tSlándáil Inmheánach (COSI)		Roimh mhí Iúil 2019
24	Athbhreithniú, más gá, ar MASanna agus, más gá, leasú ar thosaíochtaí an Aontais maidir le coireacht	An Buanchoiste um an gComhar Oibriochtúil sa tSlándáil Inmheánach (COSI)		2019
25	Ullmhú na meastóireachta neamhspleáiche	An Coimisiún Na Ballstáit	Gníomhaireachtaí an Aontais An Buanchoiste um an gComhar Oibriochtúil sa tSlándáil Inmheánach (COSI)	2019
26	Forbairt na modheolaíochta nua do SOCTA AE 2021 i gcomhréir leis na riachtanais chustaiméara a sainathnódh	Europol	Grúpa saeolaithe ó na Ballstáit & ó ghníomhaireachtaí an Aontais	An dara seimeastar 2019
27	Bailíochtú foirmiúil na modheolaíochta do SOCTA AE 2021	An Buanchoiste um an gComhar Oibriochtúil sa tSlándáil Inmheánach (COSI)		Roimh dheireadh 2019
28	Tosú meastóireachta neamhspleáiche	An Coimisiún	Na Ballstáit Gníomhaireachtaí an Aontais An Buanchoiste um an gComhar Oibriochtúil sa tSlándáil Inmheánach (COSI)	Tús 2020

Uimh ir thaga rtha	Gníomhaíocht	Gníomhaí freagrach/príomhghníomhaí	Gníomhaith e eile atá páirteach	Uainiú
29	Measúnú thorthaí na ngníomhaíochtaí a chur amach chun na spriocanna straitéiseacha a thomhas	An Buanchóiste um an gComhar Oibríochtúil sa tSlándáil Inmheánach (COSI)	An Coimisiún Europol Tiománaith e Comhordait heoirí Náisiúnta EMPACT	Faoi mhí an Mheithimh 2020
30	Tuairisciú ar an toradh a bhí ar an meastóireacht neamhspleách do COSI agus meastóireacht ar na ceachtanna a foghlaimíodh ó Thimthriall Beartais an Aontais d'fhonn iad siúd a chomhtháthú i dTimthriall Beartais an Aontais a thiocfaidh díreach ina dhaidh sin	An Coimisiún An Buanchóiste um an gComhar Oibríochtúil sa tSlándáil Inmheánach (COSI)	Na Ballstáit Gníomhaire achtaí an Aontais	Nollaig 2020 - Eanáir 2021
31	Conclúidí ón gComhairle maidir le leanúint le Timthriall Beartais an Aontais 2022-2025	An Chomhairle	An Buanchóiste um an gComhar Oibríochtúil sa tSlándáil Inmheánach (COSI)	Márta 2021
32	SOCTA AE 2021 a chur amach, lena n-áirítear conclúidí agus liosta de thosaíochtaí molta maidir le coireacht	Europol		Márta 2021
33	Measúnú ar chur chun feidhme na spriocanna straitéiseacha	An Buanchóiste um an gComhar Oibríochtúil sa tSlándáil Inmheánach (COSI)	Fachtóirí ábhartha eile	Faoi mhí an Mheithimh 2022

POLICY CYCLE 2018-2021

